

昔人已乘黃鶴去此地
空余黃鶴樓黃鶴一去
不復返白雲千載空悠
悠晴川歷歷漢陽樹芳
草萋萋鸚鵡洲日暮鄉
關何處是煙波江上使
人愁

唐詩一首□□□書

渭水自縈秦塞曲黃山
舊繞漢宮斜鑾輿迴出
千門柳閣道回看上苑
花雲里帝城雙鳳闕雨
中春樹萬人家爲乘陽
氣行時令不是宸游翫
物華

唐詩一首□□□書

洞門高閣靄餘輝桃李
陰陰柳絮飛禁里疏鍾
官舍晚省中啼鳥吏人
稀晨搖玉佩趨金殿夕
奉天書拜瑣闥強欲從
君無那老將因卧病解
朝衣

唐詩一首□□□書

積雨空林煙火遲蒸藜
炊黍餉東菑漠漠水田
飛白鷺陰陰夏木嘒黃
鸝山中習靜觀朝槿松
下清齋折露葵野老與
人爭席罷海鷗何事更
相疑

唐詩一首□□□書

謝公最小偏憐女自嫁
黔婁百事乖顧我無衣
搜蠹篋泥他沽酒拔金
釵野蔬充膳甘長藿落
葉添薪仰古槐今日俸
錢過十萬與君營奠復
營齋

唐詩一首□□□書

錦瑟無端五十絃一絃
一柱思華年莊生曉夢
迷蝴蝶望帝春心託杜
鵑滄海月明珠有淚藍
田日暖玉生煙此情可
待成追憶祇是當時已
惘然

唐詩一首□□□書

鳳凰臺上鳳凰游
鳳去臺空江自流
吳宮花草埋幽徑
晉代衣冠成古丘
三山半落青天外
二水中分白鹭洲
總爲浮雲能蔽日
長安不見使人愁

唐詩一首□□□書

雞鳴紫陌曙光寒
鸞囀皇州春色闌
金闕曉鍾開萬戶
玉階仙仗擁千官
花迎劍佩星初落
柳拂旌旗露未干
獨有鳳凰池上客
陽春一曲和皆難

唐詩一首□□□書

城上高樓接大荒
海天愁思正茫茫
驚風亂飈芙蓉水
密雨斜侵薜荔牆
嶺樹重遮千里目
江流曲似九回腸
共來百越文身地
猶自音書滯一鄉

唐詩一首□□□書

漢文皇帝有高臺
此日登臨曙色開
三晉雲山皆北向
二陵風雨自東來
關門令尹誰能識
河上仙翁去不回
且欲近尋彭澤宰
陶然共醉菊花盃

唐詩一首□□□書

歲暮陰陽催短景天涯
霜雪霽寒宵五更鼓角
聲悲壯三峽星河影動
搖野哭千家聞戰伐夷
歌數處起漁樵卧龍躍
馬終黃土人事音書漫
寂寥

唐詩一首□□□書

王濬樓船下益州金陵
王氣黯然收千尋鐵鎖
沉江底一片降幡出石
頭人世幾回傷往事山
形依舊枕寒流今逢四
海爲家日故壘蕭蕭蘆
荻秋

唐詩一首□□□書

嵒嶢太華俯咸京天外
三峯削不成武帝祠前
雲欲散仙人掌上雨初
晴河山北枕秦關險驛
路西連漢時平借問路
旁名利客何如此處學
長生

唐詩一首□□□書

蘇武魂銷漢使前古祠
高樹兩茫然雲邊鴈斷
胡天月隴上羊歸塞草
煙回日樓臺非甲帳去
時冠劍是丁年茂陵不
見封侯印空向秋波哭
逝川

唐詩一首□□□書

十二樓中盡曉妝望仙
樓上望君王鎖銜金獸
連環冷水滴銅龍晝漏
長雲髻罷梳還對鏡羅
衣欲換更添香遙窺正
殿簾開處袍袴宮人掃
御牀

唐詩一首□□□書

二月黃鸝飛上林春城
紫禁曉陰陰長樂鍾聲
花外盡龍池柳色雨中
深陽和不散窮途恨霄
漢長懷捧日心獻賦十
年猶未遇羞將白發對
華簪

唐詩一首□□□書